

Nuorttanaste
maksu ovta
krivna jakko
dagast, blad
de dinggu-
juvuu juokke
poasttarappe
lutte.

Nuorttanaste

Nuorttanaste
olgušboatta
guovte garde
manost —
dam 15ad ja
dam 30ad
bæive juokke
manost.

Bajasrakadus- ja čuvvgitusbladde samidi.

»Gieča mon boadam farga»

»Leket maidai digis garvvasak.»

No. 8.

30ad April 1903.

5ad jakkodak.

Vaimo buttesvuotta.

Basse čallagest oidnujuvuu, atte audogasak læk dak buttasak vaimost, ja go gonagas Daved su suddos fuobmai celki son: »Buttest mu suddost isopin, vai mon šaddam buttesen, baska mu, vai mon šaddam vielggadæhbun go muotta!» Mi ferttep vuost jærrat, mi læ buttes vaibmo? daihe mi oažžop maidai gačaldaga naft jorggalet: Maggarak læk dak olbmuk, gveina buttes vaibmo læ? Mu arvva-dusa mielde læk si daggarak, guđek ei dušše olgoldas ællema bokte barga čajetet buttes gævatusa, mutto maidai rokkadallek Ibmest vaimo bassevuoda, si æi duđa dušše ibmelbalašvuoda habmai, mutto gæččalek nuft ollo go sattek vaimoidæsek ja oamedovdoidæsek buttesen doallat bagjel-duolmamin, ja si balvvalek Ibmela siskaldes olbmuinæsek. Audogasak læk si, guđek nuft dakkek! Vaibmo læ olbmua hægga. Ohnuš oaidna davalazat dam, mi čalmi oudast læ, mutto Ibmel oaidna vaimo sisa. Dat olmuš, gutte Bassevuoina oapatusa vuollai ječas adda, oažžo navdašet Ibmel særvevuoda njalgisvuoda. Mutto mi æp berre vajaldattet dam, atte dak buttasak vaimost æi læk daggarak, gæi lutte i gavdnu mikkege vigid ja vailevuodaid. Si dovde, dađe bahabut, ječaidæsek lutte stuora ollesmættomvuoda; mutto juokke have go dat dovdo sin vaimo dæddegotta, de si ferttijek njoammot arbmo-truono ouddi, ja mu jakko læ, atte jure daggaridi læk dak Paulusa sanek Ebr. girjest 4, 16: »Loaidastekop ni damditi dorvolašvuodain arbmo-truono ouddi, vai mi ožušæimek vaibmolađesvuoda ja gavnašæimek armo riv-

tesaiggasaš vækken.»

Mutto de boatta dasto nubbe gačaldak, namalassi dat: **Moft matta buttes vaibmo ožžujuvut?**

1. Buttes vaibmo i ožžujuvuu mange olmušlaš famo daihe navca bokte. I oktage pappa, sardnedægje, oapatægje, oskoviellja daihe vanhem mate buttestet du vaimo suddost. Mi sattep galle vissaset ješ gutteguimidaemek væketet rađin ja ouddamærkain ja duodastusa bokte dam birra, maid mi ječa læp dovddam ja guorallam. Mi mattep maidai jeđdet nubbe olbmua daggo bokte, atte mi ouddandoallap Ibmela loppadusaid; mutto vaimo nubbastuttet ja buttesen dakkat dam i mate oktage olmuš. Jesus Kristus ješ su sarjadattujuvum gieđaines fertte vaimo guosgaldattet ja cækket: »Mon aigom; šadda buttesen!» Ja dam sæmma boddost go don osko siste su gulak dam cælken aldsesad, šaddak don buttesen.

2. Buttes vaibmo i ožžujuvuu daggo boktege, atte olmuš girkost ja čoaggalmasain manna, dat i ožžujuvuu mange olgoldes bargo ige viero bokte. Olgoldes dabek læk vissasi galle buorek ja darbašlažak, ouddamærka diti Ibmel sane guldałæbme, dat i berre goassege bagjelgeččujuvut, mutto alla arvost adnujuvut; dastgo osko boatta gulo bokte, mutto dat olgoldes dingak mattek maidai šaddat garrodussan, ja dak buristsivdnadussan æi oažo šaddat, jos dat ei oažo dugjot osko ja vaimo buttastusa; dastgo dak læk sane dakkek, guđek audogassan šaddek, nuft cælkkapostel.

3. Buttes vaibmo i ožžujuvuu mangeslai dieđo bokte. Dat læ galle duotta, atte dust fertte læt juobe væhašge dietto dam davver birra, maid

don ocak; don ferttek diettet maidai væhaš buttes vaimo birra ja dam, atte læ dudnji vegjolaš daggar vaimo oažžot. Don ferttek diettet, atte Ibmel læ gærggad dudnji daggar vaimo addet dallanaga go don dam læk gærggad vuostaivalddet. Mutto dat læ maidai duotta, atte dust matta læt dat dietto ja vel æmboge alma dovdačætta dam buristsivdnadusa, maid dat dietto sistesčalla — alma dovdačætta dam mailhe, man garra dat dietto læ. Mon balam hui sagga, atte nuft læ mangasin, guđek dam blade lokkek, daida læt nuft atte æi læk vela valddam dam osko-lavke, mi galgaši doalvvot sin bagjel Jordandæno loppadusa ædnami.

4. Buttes vaibmo i ožžujuvuu gattama bokte. Muttom olbmuk šukkek ja gattek alelassi sin stuora ja snava suddoidesek diti, si vašotek sin loikasvuoda, goarggadvuoda ja ovtadassasašvuoda maielmin. Muttom aigid sottek si suddo vuostai, mutto æra aigid fast vællajek si dam vuolde, si gattek ja gattek ja loppedek buoradusa dakkat, mutto i šadda almakek mikkege bestevaš nubbastusaid singuim. Daggar olmuš riebuk barggek ječaidæsek fanoin, æi si matte damditi joavddat gosage.

5. Buttes vaibmo i ožžujuvuu damage bokte, atte don ječad addak Hærra balvvalussi; dastgo don ik berre aivestassi dato adnet Ibmel goččoma doaimatet maielmest, mutto dust fertte læt maidai fabmo dam ollašuttet.

Vaimo buttastus boatta — daihe ožžujuvuu, nuftgo apostal cælkkapostel, **osko bokte** — dam osko bokte, mi bagjelmanna buok dieđo, buok gattamuša, buok olgoldes dabid ja vieroid, dam osko bokte, mi Jesusa sadnai:

»Mon aigom; šadda buttesen,« vasteda vaimo gittevašvuodain »amen.«

Osko læ nuft cækket dat maņemus lavkestak bestujume raiddalasast. Jos don dam lavke ik valde, de i læk dudnji vegjolaš hærvasvuoda tempeli boattet.

Maid aigok don dal dakkat?

Daidak don dam lavke duokkai læt bissanam?

Satakgo, aigokgo dalle oskot, atte Ibmel bassendakka ja buttesta du.

„Ale bælke, mutto rokkadala su oudast.“

(Duodalaš muittalus).

Muttom akka rieppo, geen boadnja læi jukke ja su vakkobalkas manati spællam- ja jukkambahadabe siste lavvardagækkedid, eli hirbmios likkotes ællema. Boadnja ja akka belkiga hæittekætta. Moarresanek moare bajsboktet, dam dietta juokkehaš. Boadnja verrani bæive bæivest, ja sudno dallo læi bæggotuvvum gukkas. Varnotesvuotta lassani æmbo ja æmbo. Dat vaivan nisson rieppo æppadussi boði ja duskastuvai hirbmadet su likkotesvuodas diti, ige læm sust jurda dam ællema ala, mi dombæld jabmema læ. Muttom bæive boði okta su grannanissonin su lusa ja oažžoi su mieldes dam vakkosaš biballokkosi. Nisson dobbe morrani, ja ođđa čuovgga algi baittet su suddost sevdnjudattujuvvum sielo sisa, ja okta aja vuordekættes jeđdetussi ja fabmoi ravastuvvui sudnji. Dam Hærra Jesusa sanek likkastatte su vaimo. Jesus lusa manai son sikke su suddoidesguim ja morrašidesguim, ja son eritvaldi sust su noađe ja addi sudnji su rafhes (Math. 11, 28, Filp. 4, 6). Go vaibmo læi nubbastuvvam, læi son maidai lađes ja gierdavaš, son gudi su lossis ruosas famoin, mi i læm su ječas. Go su boadnja læi vineraiGEST, lavi son čibbides alde rokkadallat su oudast.

Muttom æked, go son læi dam bargost, boði su boadnja sidi arab go son davalažat lavi. Son læi riddoi joavddam su særvveguimidesguim spælai alde, si legje bælkkam ja maidai dorrom, ja maņašassi læi son uk-saraige olgus balkestuvvum. Su akka vuostaivaldi su stuora usteblašvuodain ja gæččali su moare jaskudattet ra-

kislaš ja mašotatte saniguim, dast maņnel rakadi son nuft buore ækkesborramuša, go son mange lakai sati, ja go soai læiga borram luiti son čibbides ala ja rokkadalaš Ibmel-lest armo ja buristsivdnadusa su ja su dalo olbmuides bagjel Jesus diti.

Su boadnja dam gulai ja manai dasto senggi, mutto son i oadđam dam ija. Son bovti akas bajas dai saniguim: »Mamma, mon læm nuft likkotæbme, atte mon dam im šat gierda gukkeb — mon ferttim duodaid gadotussi mannat!« Go su akka gulai su dam lakai sardnomen, devd- dujuvvui su vaibmo gittevašvuodain su vuostai, gutte læi su rokkadusaid gullam ja dal oroi devdemen su gaibadusa. Dallanaga fertti son bajslikkat ja gittegoattet Ibmela, su boadnja maidai, čibbides ala njoamoi ja algi hædes vaiddet Ibmeli. Ædnag gadnjaliguim manai son dal maidai akas čæbed birra ja anoi andagassi buok dam maid son su vuostai læi dakkam, son manai maidai su oadde manaides lusa ja cummai sin, su vaibmoi šaddai dal bævæsen dat, atte son su hæjos ællemes bokte læi rievdam manaides laibe ja biktasid. Maidai su akka bivdi andagassi dam, atte son hoppuivuođas bokte læi ædnag havid dalo rafhalašvuoda moivim, ja stuora gierddamættomvuoda čæjetam. Bestujubme šaddai dam dallo dam ija, ja go idet boði, de valdi boadnja su koartastokkas ja balkesti dam doli. Son manai dasto akaines ja manaidesguim Ibmel sane gullat. Dat nubbastus šaddai bistevaš; dastgo dat læi Hærra dakko. Dam bærraša ođđa ællem læi albme ædnam alde dam boares ællema ektoi. Ja akka lavi cækket su grannanissonidi, gæina scemma ruossa læi guoddet go sust ouddal: »Allek bælke, mutto rokkadallek boadnjadædek oudast, dam gaskaoame bokte læm mon ožžom dam buok buoremus boadnja ædnam alde.«

Jurdaš dam ala, lokkel Ale bælke, mutto rokkadala vuost ješječad oudast, atte Ibmel nubbastuttaši du vaimo Jesus diti, gutte jami lonistam diti min buok vanhurskesmættomvuodast ja buttestam diti min buok suddost ja dam varast, atte Bassevuoiņa migjidi addujuvvuši. Jos du vaibmo nubbastuvva, de dalle maidai du ællem nubbastuvva. Mutto aivestassi

jorggalusa ja dam audogassandakke osko bokte dat daptuvva.

Jabmema bagjelvuoitte.

Son læ jabmema dušsen dakkam ja buktam ællema ja nokkamættomvuoda čuovggas ouddi evangelium bokte. 2 Tim. 1, 10.

Dušsen dakkam jabmema! Moft?

Vuost daggo bokte atte son vuiti dam bagjel su ječas bælest. »Ibmela armolaš dato mielde maisti son jabmema buokai oudast, son maisti dam buok dam bæčævuodain, gurdedines su sielos jabmemi. I oktage mist mate arvvedet maggar dat bævæses læi, maid son gillai ja maid dat mieldes buvti, atte Ibmel bardne gillat fertti jabmema.

Mutto — »son čovdi jabmema bakčasid, dađemielde go dat læi vægjemættom, atte son mati dollujuvvut dast.« Dalle go orroi oidnumen dego jabmen lifči su bagjelvuoitam, dalle vuiti son jabmen bagjel. Son valdi hægas ruoktot, vaiko jabmen sust dam rievdi, dat maņnemus vašalaš fertti ruoktot addet su selašes.

Mutto son læ maidai dušsen dakkam jabmema sin oudast, guđek su ala oskot. Son dušsen dagai dam vuoiņalaš jabmema, go son dal adda su manaidasas dam hæga, ni dovdosi boatta særvvevuodast Ibmelin, son gaiddada dam vuoiņalaš famotesvuoda sielost ja doalvo sin ođđa ællemi ja gævatussi, gost boares ællem læ vassam ja buok læ ođdasin šaddam. Dam aiggasaš jabmema læ son dušsen dakkam daggo bokte, atte son dam læ bigjam dego ravastuvvum uksan, man čæda mi oažžop sisaman-nat ællemi. Dam agalaš jabmema læ son aibas dušsen dakkam; dastgo dak sielok, guđek ječæidæsek su halldoi læk addam æi galga æi eisege vahagattujuvvut dam nubbe jabmemest — gikse i galga guoskat sigjidi.

Ja jabmema sagjai læ son buktam ællema ja nokkamættomvuoda čuovggas ouddi.

Ilolaš mati dat læt mattajægjidi, go si oidne Jesusa fast ællemen sin gaskast, ja go si gulle su cælkkemen: »Mon ælam ja di galggabetet ællet!« Son i dattom, atte mattajægjek galge duši ja oalgotusai ala oskot, son addi sigjidi daggar bevisaid, atte vel

dat æppedægje Tomasge fertti cælkket: »Mu hærram ja mu Ibmelam.« Ja si æi oaidnam su dūsše ovta have; mutto son elošti sin gaskas olles vakko mannel go læi bajasœuožželam. Si dovdde maidai duottavuoda daina sanin: »Mon læm bajasœuožželæbme ja ællem, gutte mu ala osko, vaiko son vel jabmage, galgga son almake ællet.«

Duottavuodast læ son buktam ællema ja nokkamættomvuoda œuovgas ouddi. Gasko dam bahas ja sudolaš maielme læ son bajasrakkadam aldseis ovta soga (su kristalaš œœrvvegoddes), gutte balvvala su ja rokka-dalla sudnji ja vuostaiœuožžo suddo ja bærgalaga valde. Vaiko vuostehakko ja higjadus famolažat læ œuožželam ja ain œuožžo bæivalæžat, almaken viddana su valdegodde ædnam mietta, ja son »juogada dam gievras bærgalaga salaša.«

Mutto dat i læk go uccanaš dam ektoi, maid son gærde galgga œajetet, go son ollaset læ dūsšen dakkam jabmema. Go bæivve boatta, go maielme rikak ja dai vuiddujuvvumak ollaset læk šaddam su obmudakkan, ja juokke œibbe galgga sogjalattujuvvut su oudast, sikke sin almet, ædnam alde ja ædnam vuolde, ja juokke njuovœa galgga dovdastet, atte Jesus Kristus læ Herra Ibmel aœœai gudnen.« »Dalle i galga jabmen šat læt, i moraš ige biškom, ige gikse galga læt šat, — dastgo dak vuostas dingak læk erit gaidam.« Dalle galgga son, gutte œokka truvno alde cælkket: »Gæœa, mon dagam buok dingaid oðasen; ja Ibmel paulun galgga læt olbmui lutte, ja Ibmel ješ galgga læt sin Ibmel.«

„Dai duhat javri ænam.“

Nælgæhætte Suomast.

Ruošalaš vækkavaldalašvuotta.

Suoma ænam goœœujuvvu maidai muttomin »Duhat javri ænam,« suomagilli »Duhasen jœrvven maa.« Dat dalvve, mi dal læ loappamen, læ læmaš okta daina garrasæmusin gukkes aiggai, daggo bokte atte hætte ja varnotesvuotta læ Suomast læmaš hirbmadet. Mannam gæsse læi œoaskes ja damditi læi jagešaddo uccan ja hæggjo. Min œednamest læk galle læmaš hæjos jagek dam mannel aigai; mutto

nælgæhætte i læk, Ibmela gitto, min lutte vela læmaš.

Mutto Ruodaædnain dayvegæœest ja min grannaædnain Suomast, læ læmaš ja ain læ dal surgadlaš dille, dobbe læ nælgæhætte ja dam mielde œuvvuk davdak. Suoma ænam i læk galle mikkege erinoamaš œoaska ædnainid, mutto go læk œoaska gæsek, de dappatuvva davja, atte gordne i lada ja vela davjeb, atte buolaš valda ja bilida. Nuft gævai mannam gæsse, dat bistevaš œoaskemak ja arvek legje dasa sivvan. Buok dak mæsta lakkamættom javrek ja jogak, mak dam œednamest læk, devddujuvvunjegje œæest, ja muttomak vel bagjel ravdaige manne. Bagjel goalmad oasse Suomaædnainest gokœujuvvu javrin, mak læk devddujuvvum sulloin ja njargain, mai alde sukkis vuovdek læk; damditi læ Suomaænam erinoamaš œæbbes. Mutto dat bagjelmaralašvuotta jogain ja javrin dalka, atte ædnag guovlok hui farga dovddek buollaša, ja dak viššalas ja sæstevaš bondek ferttijek davja oaidnet šaddo sin olles gæsse bargost dūsšamen ovta ijast, ja sin dalvebiebmotaga šaddamen.

Aito dam lakai gævai dain jage 1868, go okta hirbmos nælgæhætte bagjel ædnama manai. Dak vainok ja gillamušak, mak dam aige legje manna bagjel buok olmušlaš muittalamnavcai, ja lossad læ dat migjidi diettet, atte min grannaædnainest dam dalve

100,000 olbmu jabmen sisa manne nælge ja vaillevuoda bokte. Loge duhat jabme, dam sivast go si æi suittam uccemus laibbeittage, maina lifœi hæggja bajasdollaruvvum, ja duhatak jabme daina davdain mi nælge mielde œuovvo. Jure nuft surgadet i matte gal min aige šaddat; dasto avisak ja telegrafak dieðetek dilid birra dam œuvvgijuvvum maielme mietta; mutto almaken læ dalge nuft, atte nælgæhætte læ Suomast. Bondek ožžo uccan gorne mannam gæse, buolaš bilidi mæsta buok gorne ouddal go ladai, ja buok bahamus læi, atte uccan ožžo maidai suoine, nuft uccan, atte si ferttijegje goddet masa buok šivitidesek. Mi diettep, atte Suobmelažai ælatus læ ænas oassai šivitdoallo, ja mi mattep arvvedet, moft manna go vaillevuotta šiviti bælest šadda. Davvesuomast, nuftgo

Uleaborgast, Vasast ja Koupiast læ hætte stuoremus. Ænas oasest olbmuin dobbe i gavdnu mange slai ælatusgaskaoamek, ja si goœœcælek hægasek bajasdoallat barkko ja baccelaibin.

Muttom suobmelaš pappa šalla:

»Odne havddadæimek mi 4 olbmu, guðek gulle ovta bærraši man aino latto, dalo ised, vela læ ællemen, songe læ hæjod buoccamen ige oro œajetæme, atte gukkes akke læ sustge. Dat bæraš asa muttom bælostbæle baikest, manga vula gukken ja læi okta daina buok vaivasæmusin dam suokkanest. Si legje ællam barkkolaibin ja œacin manga vakko, go mon legjim mannamen dam dalloid oidnim mon

ovta ucca oairaša muottagest.

Dat læi lika muttom ucca nieidašest, gutte læi gollom ja nelggom jamas, son læi 7 jage boares ja læi mannam jabmema dæno rasta alma muittalkætta oktige su gillamušaides birra ja alma oainekætta ovtage su rakkasin biras su manemus boddost.

Mon dam hægates rubmaša valdim ja sivost bajedegjim rekki ja vugjim mana sidi; mutto — mai dadde, maggar hirbmos oainatusa mon dobbe oidnim! Bævde alde gavdnim mon ucca barkkolaibbe gappalagaša ja ovta soppujuvvum davte, sængas vællai ædne hægates rumaš, ja su giettagavast œavgga deddujuvvin su radde vuostai vællai lika su uccemus manast, dat læi okta ucca bægoalmad jakkasaš nieidda. Muttom æra sængast vællai aœœe buccen ja apikæta — æmbo jabman go ællemen, ja su baldas lika su njællja jakkasaš gandast. O, maggar oainatus!

Dast œužžom mon »jabnema lægest.« Mon legjim ollaset dego cuvkkijuvvum, ja mu vaimost dovdoi, nuftgo dat lifœi orostam ravkkemest, ja mu gadnjalak orro galbmomen mu nierai ala. Vuoi dadde, vieljašam, dat oainatus læi nuft gavkas, nuft bavœaslaš, nuft likkastatte, atte mon im dovda jeœam nagadæme cællat dam birra.« Nuft cælla dat Suoma pappa.

Birra buok daina ollo sidain Suomast œokkajek olbmuk ja jaskadet gillajek. Sin aino jeðdetus læ, atte Hærra, sin Ibmel, i læk guoðdam sin. Okta bonde œokkai muttom bæive ja sardnodi akaines dilalašvuoda birra.

»Mist læ dal dušše uce bittaš barkolaibbe vel,« celki akka, ja gadnjalak devdde su čalmid. »Mi galggap dorvastet Hørrai,« celki boadnja, »son læ oudal læmaš min væketægje hættebeivin, ja son læ dat sëmna armogas Ibmel, nuftgo son alelassi læ læmaš.« Son valdi dasto bibala vuolas hildost ja logai dam 46ad Daved salma, dast mañnel manne si buokak čibbidesek ala ja muittalegje sin morrašidesek Ibmeli. Moadde dimo dast mañnel bođiga guokta nissona Uleaborgast borramušain dam oudasgas dallo.

»Maidnujuvvum lekus Hærra; Son læ ikti ja odne oktadaga — ja bisso agalaš aiggai,« gulloi dat gittevaš boadnja čelkkemen, ja su akka særvai suina gittet ja maidnot Ibmela su armolaš vøke oudast. Si ožžu dal liegga biktasid buokak ja sikke rokka- ja havverjafhoid, mi i læm sist gukkes aiggai læmaš.

Ilolaš læ almaken oaidnet dam stuora halo dakkat buore, daihe æra saniguim, dam stuora vækkalašvuoda, mi čajetuvvu dam hæde ucedet. Eri-noamašet læ dat famolaš Amerika ollo dakkam dam varast.

Ollo amerikanalaš avisai čađa læk olbmuk arvostmattujuvvum ruđaid addet, ja buok ænemusad læ »Christian Herald« New-Yorkast dam ala barggam. Dat bladde læ saddim 1/2 million kruvna daidi ænemusad gillajægje baikedu Suomast ja Ruođa Norrländast, ja dam blade bæggalmas olgusadde Dr. Louis Klopsch læ gieskad jottam Suomast. Son dam gukkes matke jodi aivestassi damditi atte dile dovdatt boattet ja ješ oaidnet, mi berre dakkujuvvut hæde væketam varast.

Suobmelažak læk gudne rakis-tægje olbmuk, si læk dam sortast, guđek gillajek alma dam birra ollo sardnomtaga, si æi lave gansal hædesek almostattet æraidi. Mutto sin dorvvo ja jeđdetus læ læmaš Ibmel; dastgo Suoma albmuga gaskast læk ollo kristalažak, ja Suoma ænam læ dat okta aino oasse dam mađohas stuora ruošalaš rikast su 125 million sieloin, gost Ibmel sadne viddasæbbuidi sardneduvvu famoin sieloi bestujubmai.

Obba dat čuvvggijuvvum maielbme njuoras dovdoid adna dam aige dam likkotes vuollaideddujuvvum ædnam oudast, mast dat nuftgočču-

juvvum »rafhekæisar« buok vuoggad-vuođaid erit rievdi, sëmna aige go son æra stuora famoiguim arvvali soađe heittujubmai buktet ja damditi čoakkai ravkai daihe oktičogi čoaggalmasa vises stataolbmain Hollanda oaivvegavppugi, Haagi.

Mutto Suobmelažai ja Suoma-ædnam bælest matta vela vuoitto læt — go aivvestassi Ibmel šadda sin suogje ja battaram-baikke. Si mattek vuoittet vuoinalažat, jos vel orroge nuft atte si poletikalažat tapijik.

Daina ruđain,

mak læk saddijuvvum Amerikast min ædnam gefhidi, læk 6000 kruvna mæreduvvum Finnmarko amti. Moft dak ruđak šaddek dam amtast jukkujuvvut, dam æp dieđe mi — mutto odne (23/4) oidnim mon »Finnmarkpoastas« muttoma arvvalæme, atte læ buoremus olgusjuokket vuost daidi, guđek garra dalke bokte læk massam vadnasid ja damditi æi bæsa bivdoidi. Dille Finnmarkost manga sajest læ dam dalve læmaš ja læ ain dalge hui higjo, sikke bivddoværain ja vuonain læ biebmo sikke olbmua ja šivit bælest vanes. Darbašlaš orro læme, atte Hærra dal ravastifči su bankos olbmua mannaidi.

Guollelokko Lofotast

oidnu dal læme 12 million. Finnmarkost i læk favdnadet vela, sæktevadne ja garra dalkek læk ollo hettim bivdo daina baiken, gost vøhaš guolle lifči.

Okti ovtastattujuvvum statain

Amerikast addujuvvu ævtodatolažat kristalašvuoda viddedam varas maielmest 870 million kr. jakkasažat. Æreb dam addujuvvu 100 million kr. hospitalai ja mannasidai rakadam ja bajasdoalatam varas.

„Dak engelas ustebak“

(Krækalažak), gæi lokko galgga læt arvo mielde 19,000 bajasdollek 60 miššonæra ja sin væketegjid baken-œdnamin. Dat maksa 160,000 kr. jagest. Go dat jukkujuvvu juokke scervvegodde latto ala, de dast gartta 22 kr. juokkehaža ala. Dat læ æmbo go addujuvvu ovtage æra girkkosærvve lattoin.

Engelas gonagasa

kruvdnedubme mavsi 2 million ja 250 duhat kr., mi fertti olguslokkujuvvut statakassast.

Girkkohistorjalaš muittalusak.

Kristalasvuoda oudanlaoidastæbme ja viddanæbme maielmest.

Lasse Gad nummari.

Filip, gæn Hærra gaskaoabmernes læi adnam evangelium buktet Samaritanalažai særvai, saddijuvvui dal dam sëmna buore saga guoddet olgobæld loppadusa ædnama rajid; dastgo mi lokkap, atte Hørra engel sarnoi Filipi ja celki: »Čuožžel ja manalulas dam balga mielde, mi manna Jerusalemest vuolas Gasai. Dat læ avdem.« Son læi nuftgo okta oskaldes Hærra balvvalægje harjanam dakkat Hærra goččoma mielde alma rađđadalakætta ožin ja varain, mutto farga bođi son ibmerdet, man diti son dam gæino galgai mannat. Dobbe balga mielde vagjoli okta siello, gutte i læm vela boattam evangelium hærvasvuoda dovdatt, dat læi okta gammar-balvvalægje, okta famolaš olmai Kandake, Etiopalažai dronniga lutte, dam olbma čalmek legje juo dammađe rappasam evangelium vuostai, atte son ječas læi Jerusalem vuostai jorggalam oappam diti dovdatt ja rokka-dallat dam aino duotta Ibmeli. Son læi ruoktot mannamen, ja go su vaimost læi haledus duottavuoda diedost oudanet, logai son profet Esajas girje. Ibmela stivrijume bokte šaddai son lokkat dam bitta: »Son dolvuvjuvvui dego savcca njuvvujuvvut, ja nuftgolabbes læ gielatæbme su vuostai, gutte dam bæskek, nuft son i rabast su njalmes.« Mutto gammar-balvvalægje i ibmerdam, maid son logai, mutto Ibmel læi moraštam sudnji čilggijægje. Filip bođi vuoina doaimatusa mielde su lusa ja almostatti sudnji čallaga ibmardusa; dallanaga algi son oskot, ja son šaddai gastašuvvut. (Ap. dag. 8, 26—40.)

Datge muittalus čajeta man rakislažat Ibmel adna morraša armomañnai goikke sieloi oudast. Dat maidai čajeta, atte occe siello galgga gavdnat. Gammar-balvvalægje manai ilost sidi, go son dam buok stuoremus davvera ædnam alde læi ožžom. Mi mattep arvvedet, atte go dat olmai sidi bođi, de son Jesus birra algi sardnot, i basse čallagest čuožžo galle mikkege dam birra, mutto almake læ dat arvvedatte. Gi dietta, gal satte manga særvvegodde šaddam asatuvvut Etiopiai dam famolaš olbma bargo bokte. (Æmbo).

»Nuorttanaste« čalle prentejægje ja olgusadde læ G. F. Lund Sigerfjord, Vesteraalen.